

潛

齋

簡

效

方

潛齋簡效方序

古名臣大儒往往喜錄單方以關生民疾苦而世之醫者每爲卑鄙不足道何識量之不廣哉王君孟英謂一藥治病卽古之奇方葢一病原有一藥主治識之旣真何須多品第病有可以常理測者夫婦與知其不可常理測者雖聖亦有所不能盡是以病機隱幻固非良手不爲功而病情奇怪有非單方不能治在昔歐公暴病幾絕乞藥於牛醫李防禦治嗽拜官得方於下走誠醫理之難窮而藥之不可以貴賤爲優劣也卽今道光間吾杭皇甫心安家有狐能治病

以仙目之樂懷谷女方襁褓忽啼不止拍之則愈啼  
解衣視背見繡鍼微露其緒而鍼已全沒多醫治之  
雜以藥敷肉潰而鍼終不出狐令以慈石吸瘡口理  
極是也而亦罔效延至百日忽賣酒家聞之曰易耳  
第以銀杏仁去衣心杵爛菜油浸良久取油滴瘡孔  
中卽出移時果鍼透瘡口而鍼則已彎蓋強拍入之  
也夫以狐而仙者豈智有不逮哉乃不爲慈石引而  
爲銀杏透眞理之不可測矣由此推之一病必有一  
藥主治洵非虛語而單方之不可忽也益信因出願  
體醫話一冊願體集爲康熙時史搢臣先生著其醫

話亦皆切於濟世而救五絕諸法尤較他書詳備向  
爲孟英舅氏俞君珍藏孟英復以魏柳洲續名醫類  
案中按語單方合而成帙末附自采簡效諸方付之  
梓其成厥舅志固已足多而所言一以生民疾苦爲  
心勿私其藝抑亦王君識量之不可及也已咸豐三  
年癸丑仲冬杭州趙夢齡

士雄 學識淺陋所錄簡效方一卷皆簡易而有效  
驗之方也然見聞不廣未敢質諸當世而張孝子  
養之蔣君敬堂連君書樵屢引史搢臣先生施藥  
不如施方之話相勗遂不揆謏俾附梓於史魏良

方之後惟 四方博雅咸以利濟爲懷傳播秘方  
諒不吝教如荷匡余未逮隨時皆可續登跂予望  
之虛左以俟

癸丑長至日自記

潛齋簡效方目次 附醫話

頭風

面皴

肺癰

痰哮

喉疹

口鼻病

耳目病

牙病

瘰癧

乳病

婦女諸病

小兒諸病

拘攣

鬼箭

魅惑

二陰諸病

癰瘡

腳氣

附纏足方

癰

癰

瘤

瘰

大衄

禿瘡

腋癰

多骨疽

惡瘡

移毒法

退弩法



消管法

殺蟲法

腋氣

杖丹

閃胸

瞽目

肝胃腹痛

截癰膏

藥酒方

灸火論

勞病說

附方

慎疾法

治疫方

解鴉片

勸醫說三則

穩婆說

救荒法

救火策

續

寡欲說

交梨火棗湯

成方弊

辨指南十六條

論續名醫類案

溫熱經緯論暑略

惡暑證治

附方三則

夏月傷寒略

癰瘰乳巖疔瘡祕方

治流注方

圍藥二方

刺痧法

潛齋簡效方

杭州王士雄孟英輯

張性陶養之

定州楊照黎素園鑒定

同郡蔣寅敬堂參校

連自華書樵

治頭風。蓖麻仁乳香。研塗患處立愈。

天南星一個。艾五錢。煎湯熏之。

痛久欲失明者。川烏

去皮

細辛防風蠟稍等分。研細。

薑汁調貼患處。若眉目牽引不正。貼太陽穴。

面上皺路。大豬蹄四枚洗淨。煮如膠。臥時用塗面上。

次早以漿水洗去。半月後。面皮細潔如童子。

肺癰。冬月醃芥菜。瀋貯壘封埋土中。年久則清淡如水。略無鹹味。飲之甚效。或和淡腐漿服。

蕺草。俗名魚腥草。水煮不住口食之甚效。

金絲荷葉草。擣汁。同生白酒數飲立效。

橘葉。搗汁服。吐出膿血即愈。

經霜黃菊葉。絞汁冷服。亦治腸癰。

立秋後擇粗大絲瓜藤。或南瓜藤。掘起根三四寸。剪斷插餅中。其汁滴貯餅內。封埋土中。年久愈佳。兼治喉蛾哮喘。

柘黃卽柘樹上尊。厚大而色黃者。用井水磨服。以愈爲度。或用鯉魚重四兩者一尾。去腸勿見水。入貝母末二錢縫好。童溺半碗浸之。重湯煮至睛出。去鱗骨食之甚效。

痰痺。浸溼海帶四兩煎湯調餚餠服。

淡豆腐漿每晨飲之。

兼治黃痺

漂淡陳海蛇煎湯。生蘆腹擣汁和服。兼治諸痰證。

爛喉時疹錫類散象牙屑。

焙

廉珠各三分。飛青黛六

分。梅花冰片三釐。壁錢

俗名喜子窠

二十個。

用泥壁上者勿用木

板上西牛黃人手指甲

男病用女病用男

各五釐。共研極

細粉吹患處雖瀕死者可救兼治乳蛾牙疳舌腐等證甚效。

蘆菔菜于初冬攤于屋瓦上或挂樹枝上任其風吹日曬雨洗霜凌直至立春前一日收下懸挂簷下有風無日處陳久愈佳煎濃湯服。

冬春二季每晚食生蘆菔數片可以免患喉證或以橄欖蘆菔常煮湯代茶飲亦妙。

口舌糜爛大紅薔薇葉焙燥研末搽之冬月用根重舌用不蛀牙皂四五挺去核炙焦荊芥穗二錢共爲細末米醋調塗卽消。



舌脹滿口。生蒲黃末搽上卽愈。舌衄。以黑蒲黃末搽之。或以辰砂一錢。伏龍肝二錢。鴨子清調服。

舌脹出口。冰片一錢研敷。

舌出不收。辰砂末敷之。或暗擲碗琖于地。聞聲卽能驚入。

脣衄不止。栗子一個。連殼燒灰。硫黃等分研末和敷。烟管戳傷咽喉。以龍眼核去黑皮。焙擣極細。用筆管吹患處。卽定疼止血。居家者。此藥須預備。凡小兒頭面磕撲。銅鐵戳傷諸患。亦以此敷之。愈後無癍。仍生毛髮。

風寒鼻淵蒼耳子辛夷花各三錢煎服。

風熱鼻淵絲瓜藤近根三五寸數株曬燥燒存性爲末每一錢陳酒下。

久吸蘭香烟成鼻淵者白鯊脊骨燒烟薰洗之。

年久鼻淵煩勞則發者名曰腦漏宜瓊玉膏固本丸六味丸三才封髓丹之類久服自效。

諸物塞入鼻中而不能出者緊掩兩耳緊閉其口不使通氣以筆管吹其無物鼻孔則所入之物自出。諸物吸入肺管而不能出者無藥可治喘急而死。大概小兒或有此患然不必驚慌但捉兒兩足使倒。

懸則所入之物一咳卽出。

肺風瘡。酒磨鹿角尖濃塗。久之自愈。

雀班。鹿角燒灰。猪油調搽。

白附子生研。卧時以豆腐擦洗後。鷄子清調塗。

鼻衄不止。以本人鼻血紙撚蘸之。右衄者點左眼角。左衄者點右眼角。左右並衄者。點兩眼角內立效。或以梔子炭研末。吹入鼻中立愈。

耳暴聾。木香研末。酒浸一宿。以酒滴耳中。少頃倒出。三次卽愈。

白蒺藜炒去刺爲末。蜜丸服。

靈磁石如豆大者一塊。同穿山甲煨研末。棉裹塞耳中。口含生鐵一塊。覺耳中如風雨聲。卽通。

耳聾。龍骨末吹之。又炒黑蒲黃研末吹之。亦敷舌。耳聾。血餘一錢。冰片七釐。研勻吹之。

耳爛。燈心陳皮各一錢。燒灰。加冰片一分。研吹。

頭風損目。以大川貝母一粒。白胡椒七粒。共研末。葱白汁丸如柏子大。以膏藥蓋貼太陽穴。目可重明。赤眼。黃丹白蜜調貼太陽穴。止痛如神。

田中潔淨柔泥。搓丸。擎扁貼兩眼皮。一夜兩丸立效。如睡熟候醒方換。

芙蓉葉末。水和貼太陽穴。

芒硝荊芥穗泡湯溫洗。

黃連爲末。鷄子清調勻。左眼貼左足心。右眼貼右足心。

目翳。胡桃肉。烏朮。柿餅等分。擣炸。開水調服。

目星。樟腦。東丹等分。研細。瓷器封貯。左目吹。右鼻棉塞之。隔宿卽退。右目仿此。

白茯苓三錢。水煎。日洗三次效。

目障。鵝兒不食草。川芎。青黛各等分。爲末。搯鼻取嚏。遠年者亦效。

望江青一名天脂麻一兩羊肝一具同豆腐煮食小兒疳氣攻目雞肝一具不落水竹刀切片用牡蠣粉八分飛辰砂少許拌勻糝入飯鍋上蒸熟食之如此十次翳障退淨當時忌食茶湯油膩。

烟油入目如將他物洗之愈洗愈疼甚至損睛須用亂髮緩緩揉之自愈。

天絲入目頭垢點入眼內卽出又方雄鷄冠血滴入眼內少頃看有紅絲將燈心捲去或用好墨磨濃塗眼內看有黑絲亦用燈心捲去。

白礬水一椀將舌舔之有絲入水卽愈或以筆管

吹其礬水。泡起濺目。絲亦能出。

塵芒入目。生藕洗搗。棉裹滴汁入目中。卽出也。

石灰擦眼。山卮子煎濃汁。不住手洗一二時辰。痛卽止。或用活五穀蟲淘淨。搗攤油紙上。用布紮好。七日不可動。藥白落。目無恙。

眼角出血。槐花炒焦煎服。

損目破睛。牛口涎每日點兩次。須要避風。黑睛破者亦瘳。

青盲。用一蠶砂三斗晒燥。每晨服三四錢淡鹽湯下。眼堂成漏。凡眼下生癰。出膿流水不乾。日久成漏。諸

藥不效。以柿餅去皮。取肉杵爛塗。旬日愈。

眼癢。用銀杏葉泡湯。少加枯礬末。溫洗漸愈。奇效。  
牙疼。經霜西瓜皮燒灰。敷患處。牙縫內立效。

黑山巵桑葉。泡濃湯熱漱。不痛乃止。

兒茶貼患處。流出風涎。自愈。不可嚥下。

石膏火煨熟。入兩。白炭藜去刺四兩。爲極細末。頻  
擦之。立愈。每日用之。可免此患。

革撥一錢。川椒五分。石膏三錢。青鹽四分。共研細  
點患處立愈。

青鹽蓬砂火硝樟腦各一錢。研末擦之。



馬蘭頭葉水溝或水缸內青苔共杵爛以棉卷之  
左痛塞左耳右亦然。

牙衄絲瓜藤炙灰擦之立止。或用絲瓜絡亦可。酒調  
下兼治腸紅。

草決明煎湯含之卽止。

馬蘭頭杵爛塞患處立止。

槐花炒爲末搽之。

癰癤俗名癰疽。用天明精五六枝同鯖魚煮熟但飲  
其汁數次自愈。

羚羊角燒灰研細鷄卵清和塗兼治癰毒。

猪膽汁以臘脂邊一方滲透懸風處吹乾剪貼患處。

豆腐泔水一桶慢熬成膏頻頻塗之。

三桑葉曬乾爲末赤沙糖調服數兩自愈。

南星半夏等分爲末米醋或鷄子清調敷黃柏爲末猪油調塗。

活鱖魚一尾生山藥如魚長一段白糖三錢杵爛塗之。

土貝母研末陳米醋調搽。

牛皮膠一兩水熬化入土貝母末五錢攤油紙貼

之。

佛前舊羊角燈底焙存性研末麻油調搽。

田中螞蝗杵爛圍之卽散。

活蠍一隻麻油一瓊浸三日。取起曬乾爲末。以鵝毛蘸油搽上。初起者爲癰母。每日多搽幾次。三五日卽愈。

已潰者用牛皮油鞣底燒灰麻油調敷。

麵糊作餅貼于先潰之處。再用小砂壺二把俱盛燒酒煎滾。去酒以熱壺口覆于餅上熏之。一壺冷。又易一壺。如此數次。將毒拔盡則愈。熏後用豬膽

汁熬成膏貼之。

破爛多年不愈。延及胸脇。臭穢難聞。雖十數載之頑證。可用新石灰一塊。滴水化開成粉。以生桐油調勻。乾溼得中。先用葱椒湯洗淨瘡口。塗數日卽愈。

牛皮膠四兩。牡蠣粉拌炒成珠。去粉。土貝母八兩。共研末。水法丸如綠豆大。早晚用昆布海藻各一錢五分煎湯吞下三錢。不論已破未破均效。

乳巖。土貝母五錢煎服。數日可消。已破者加胡桃膈銀花連翹各三錢。酒水煎服。

潰爛已久者。用雄鼠糞經霜土棟子不用露蜂房各三錢。俱煨存性。各取淨末和勻。每服三錢酒下。間二日一服。卽止痛收口。

乳癖。白芷雄鼠糞等分。曝乾爲末。好酒調服。必多飲。取一醺睡而愈。

活鱗魚一尾。鮮山藥如魚長者一段。共搗爛敷患處。以紙蓋之立愈。

陳皮炒爲末。黑糖調和。開水送三錢。七日而愈。  
蒲公英一兩。銀花二兩。酒水各一椀。煎半椀。加酒一小杯服之。一醺可愈。

乳吹砂。仁去殼五分。冬葵子八分。共研末。以蒲公英五錢。桔蘘仁三錢。煎湯調服。數日卽愈。

穿山甲三片。炒橘紅二錢。水煎和酒服立愈。

甘菊花根葉杵爛。酒釀衝服。渣敷患處立效。

乳頭破爛。龜板炙研末。加冰片研勻。麻油調搽。

寶珠茶花焙研末。麻油調敷。內服治諸血證。

陰癢。鷄肝或猪肝煮熟。切一長條。插入陰戶內。過一夜。次早取出。數次乃愈。

陰腫。羌活防風。煎湯薰洗。

葱白研膏。入乳香末。拌勻敷患處。

陰寬。肥皂子浸去黑皮。用其白肉。加白芨五倍子蛇  
牀子石榴皮甘松山奈龍骨煎濃湯。日日熏洗。寬  
而冷者。加石硫黃煎。

陰挺。飛礬六兩。桃仁一兩。五味子雄黃各五錢。銅綠  
四錢。末之。煉蜜丸。每重四錢。卽以方內雄黃爲衣。  
坐入玉門卽愈。甚者不過二次。

陰瘡。陳蚌殼煨。兒茶輕粉飛滑石人中白煨各三錢。  
枯礬龍骨煨各一錢。冰片三分。共研麻油調搽。  
陰爛。煨牡蠣飛滑石各三錢。陳蚌殼煨二錢。人中白  
煨一錢。龍骨煨錢半。冰片二分。共研末糝之。

房後陰痛。地榆煮酒服。

陰傷出血。五倍子研末。糝之。或加血餘黃連白礬灰。亦妙。或以青布燒灰。血餘等分研敷之。

蛇牀子研末。綿裹納陰中。立效。

小便不通。生白礬末五釐入臍。以一指甲水滴之。

皂角煎湯洗陰戶。

淋帶淫濁。屬于濕熱者。淡豆腐漿調六一散服。亦治男子淋濁。屬于陰虛火動者。以生鷄子打散。淡腐漿衝服。亦治勞嗽。欬血。帶脈虛而不攝者。海螵蛸粉。魚鰾煮爛。搗九。梧子大。吞服。自愈。



血崩不止。淡腐漿一碗。韭菜汁半碗。和勻空心服。  
棉花子。童便浸一宿爲末。每一錢。側柏葉湯下。極  
效。兼治勞嗽吐血。

調經種子保胎丸。白茯苓二兩。白朮土炒。條芩酒炒。  
香附童便炒。延胡醋炒。紅花隔紙焙乾。益母淨葉  
各一兩。眞沒藥三錢。瓦上焙乾去油。其研細蜜丸  
梧子大。每日七丸。白湯下。凡慾者服之自調。不孕  
者服之卽娠。胎動者服之卽安。胎滑者服之自固。  
若胎動者。每日可服三五次。胎滑者。有孕卽宜配  
合。每日服之勿斷。自然無事。亦且易生。但每次七

丸爲則不可多服一丸至囑。

慣於三月小產諸藥不效者。日以梅梗三五條。綠萼梅樹

上者煎濃湯飲。復飲龍眼湯甚驗。

南瓜蒂頻煎湯服。

催生用荷辦一張。上書一箇人字。嚼而吞之立產。

車前子四錢。冬葵子三錢。炒枳殼二錢。白芷一錢。多日不下者可煎而服之。

六一散催生最妙。兼下死胎。並治熱產惡露不行。胎澀不下。用鮮猪肉三觔煎清湯。吹去浮油。恣飲卽產。

生牛膝一兩。酒浸杵爛。以龍眼肉六兩煎濃汁。衝牛膝酒內。服之卽產。

過月難產。用舊絹篩羅底一箇。捲筒燒碗內。白湯下卽產。

盤腸生。以生半夏搗鼻中。腸自收。

橫生。以益母草一兩。酒煎濃汁。和童便一大盞服。諸般難產。用陳麥稈。露天者尤妙。一兩洗淨。剪寸段煎湯服。極效。

產下子腸帶出。切勿剪斷。致傷母命。以枳殼煎湯熏洗卽收。

胞衣不下。生鷄子清一枚吞之卽下。

鮮荷葉濃煎服良。或用伏龍肝末醋調納臍中。

死胎不下。蓖麻仁三粒。巴豆仁四粒。麝香二分。同研成餅貼產門上交骨。其胎立下。卽好胎至足月臨盆。久而不下之難產。亦可貼而卽產。但勿用之稍早。恐有握苗之害也。

伏龍肝一兩研細。甘草湯調服。冷飲能解諸般中毒。

產後小便不通。陳皮一兩爲末。溫酒下二錢。

產後暈絕。生半夏末。冷水和丸如豆大。納鼻中。灌以

熱童溺。薰以炭醋立甦。

產後虛弱。豆腐漿一椀。衝入打散生鷄子一枚。再加豆腐皮一張。龍眼肉十四枚。白沙糖一兩。同滾透。五更空心服。蓋產後失調。往往延成勞損。而貧戶醫藥無資。富家每爲藥誤。特采此方。甘平和緩。補血滋陰。貧富皆宜。允爲妙劑。

小兒初生。以猪膽汁一枚入湯浴。永不生瘡。

初生無皮泥地上臥一宿。卽生。冬月以白米粉燥撲之。候皮生乃止。

小兒開口。不宜太早。須生下一周時。以大黃黃連生

甘草等分。泡汁飲數匙。然後喫乳。

初生小兒。白膜裹舌。或徧舌根。可用指甲刮破。令血出。以燒礬末半綠豆許敷之。若不刮破。其兒必啞。

初生小兒。兩目紅腫赤爛不開。以蚯蚓泥杵塗顙門。乾則易之。三次必愈。

生南星生大黃等分爲末。醋調塗兒兩足心。雖月外亦可用。

初生驚風欲死。朱砂磨新汲水塗手足心。

初生小兒便秘。一味生大黃泡濃汁飲之。小便不通者。用清明插簷朝南楊柳枝煎湯服。亦治大人溺。

閱。

遊風伏龍肝爲末。鷄子清和塗。乾則易之。如治浸淫瘡。以豬脂和傅。

胎毒胎瘡。臙脂膽礬黃柏東丹等分研末。菜油調搽。水邊柏樹根白皮晒研。入雄黃末少許。生油調搽。稀痘法。生黃豆生綠豆生白扁豆或黑豆亦可生甘草銀花等分。常煮湯代茶飲。

橄欖核七箇打碎去仁。晒乾研極細末。不可見火。勿沾生水。再用玉蝶梅花二十一朶去蒂。加淨白蜜二茶匙共搗濃。交春分時與兒食之。永不出痘。

卽出亦不過三粒。

名煮而供蔬

食妙。

小兒能食卽以乾柿飯上蒸透嚼飯飼之能稀痘併免疳瀉諸疾。

免痘法。淨銀花一觔。生晒研末。淨白蜜丸如龍眼大。日日與兒服之。可不出痘甚驗。

蓖麻仁三十六粒。辰砂一錢。研爛。再入麝香當門子五釐。研勻。于端午日午時塗小兒百會穴暨心背兩腋曲池委中手足心凡十三處。余在宜黃見



越人王望沂少府云。其家用此法。已數世不出痘矣。

凡居窮鄉僻壤。值嬰兒發痘。不能迎醫者。須于微發熱時。用手蘸真麻油。摩其背脊。下至尻骨。如此數次。其熱自退。

痘疹不出。以及悶痘。不發毒脹滿者。此係急證。用青蔗漿頻服。則痘立起。其寒散解毒之功。勝白鴿蚯蚓多矣。

疹發不出。頭面腫脹。氣喘垂危者。用大慈頭杵爛。放在大銅盆內。上用木架架之。再以大被單罩蓋。停

當大人抱定小兒睡在上面。然後將沸湯衝入葱盆內。熱氣熏蒸。俟稍溫卽抱出。切不可露一絲之風。直待汗乾卽差。

悶痧。分開頂門。有紅筋紅瘰挑破卽出。

痧疹咽喉腫痛。不拘初起回後。用苦參三錢。白僵蠶二錢。研細吹入。

痘出眼內。新象牙磨水。滴眼內卽退。

兒生母中指上刺血一點。滴入眼內卽退。

痘瘡潰爛。用青茶葉滾水略泡。攤于草紙上。以絹蓋之。臥兒于上。任其展轉卽癒。

痘爛生蛆。以柳葉鋪而臥之。蛆盡出。

痘毒。泡過茶葉晒乾爲末。五倍子等分。鷄子清調敷。  
又法。生黃豆口中嚼爛塗之。不必留頭。數次卽消。  
極效。

痘疔。青蘆渣晒乾。真香油點燈燒成灰。以津液調勻。  
銀簪挑破。點之立效。

諸疳。南天竹煎湯頻服。

螳螂去頭足翅。焙乾與食。疳愈則不要食此矣。

使君子肉二錢。雷丸檳榔各一錢。黑丑頭末五分。  
俱生曬研末。每服三分。以鷄卵一枚打破空頭。內

藥紙封飯上蒸熟食之藥完病痊。

積滯海蛇鳧此常煮食之兼治大人痰哮喘及肝乘胃痛浸燒酒飲能消大人胸中痞塊又紹興青腐乳作下飯能消疳積治腹脹身黃。

臍風釣藤鉤甘草各五分水煎服。

驚風人手指甲長寸外者煎湯服。

開通元寶錢以水磨服少許神效。

俗讀開元通寶者非

按俗謂驚風者卽火動風生之癰瘰也。金能制木可息內風。國朝康熙通寶錢熙字作正楷從臣不仿帖體從臣作熙者乃平西薙時銘藏中佛相

所鑄故世謂之羅漢錢。銅色如金。俗又呼爲金錢。愚民往往私毀改爲首飾。酷似真金。蓋其鑄佛之時多雜金寶于銅內也。入藥更勝。遠駕開通元寶之上。

小兒瘡疾不能服藥。以黃丹五錢。生礬三錢。胡椒二錢五分。麝香五釐共末。好醋調敷。男左女右手心。絹包手掌。藥熱汗出而愈。一方可效三人。未曾食穀之兒。欠瘡不已。濃煎冰糖湯服神效。

小兒久瀉。身熱最危。以炒黑松花一錢。炒紅麴二錢。共研分二服。白糖湯調下。

暑風取淨黃土鋪地上。以芭蕉葉爲薦。臥兒於上。飲以益元散。鮮竹葉湯調立效。小兒體弱。夏月最多。此證。切勿誤認爲驚。妄投峻藥。

癇證俗呼羊癲風。用經霜老茶葉一兩。明礬五錢爲細末。水法丸。辰砂爲衣。每三錢開水下。三服全愈。又方。用二陳湯加青皮丹皮石菖蒲辰砂爲劑甚效。

手足拘攣。用草本水楊柳酒煎服。

鬼箭風。用野苧麻天南星同搗敷。

狐魅。以珠蘭花根搗爛塗陰上。但此花根有毒。勿入

藥服，狐沾之卽死也。

邪氣蠱惑，以薰甲、蒼朮燒之卽安。麝香一二兩佩之良。

便毒，以棉地榆四兩、穿山甲二片土炒、白酒三碗煎一碗，空心服，雖有膿者亦愈。

全蠍貫衆、生礬等分爲末，空心調服一錢。

棉地榆四兩、生甘草、銀花各一兩、白芷三錢、皂角刺二錢五分、水二碗煎減半，空心服。

胡桃二箇連殼杵碎，澤蘭、白芨、松蘿、茶各三錢，并水、河水各一碗煎取四分和酒服。一劑知，二三劑

愈蔣附治驗

陰囊腫痛。葱白乳香搗爛塗之。

硼砂一分。水研塗之。

棉子仁煎湯洗之。

萬年青根搗汁。熱酒衝服。

腎囊風。鷄子黃炒出油。搽之。

陰囊濕腫。紫蘇。紫背浮萍各一兩。水煎薰洗。

囊瘡作爛。六一散四錢。赤石脂二錢。紫蘇一錢五分。兒茶一錢。共爲末。糝之。

腎囊皮爛。龜板炙存性。研入冰片少許。麻油調塗。卽



愈。

癰癤初起。以獨核肥皂數箇。用乳香四兩裝入外。將  
徑草紙包煨。火須先文後武。以烟盡爲度。出火氣  
研末。每服一錢五分。三服卽愈。

疝氣。乾荷葉蒂二十一箇。炒焦。海金砂三分。好酒一  
碗煎一滾。乘熱服。以醉爲度。卽愈。

鷄子殼燒灰爲末。空心溫酒下。二服卽愈。

牛蒡子根葉搗爛。絞汁和好酒服之。覆被出汗。永  
不再發。

精滑善遺。牽轉白牛法最妙。其法不拘布帛。做一小

兜將外腎兜起。拴在腰後袴帶之上。此病自免。道家謂之張果老倒騎驢。或以刺蝟皮焙研黃酒調早服。

又靈雪丹。甘草薄荷甘遂朝腦蘇葉陽起石各三錢。共研末。碗盛紙糊口。細錐紙上密刺小孔。另用櫟覆碗上。碗邊寬餘半指。黑豆麩同濟。砂鍋底鋪粗砂。加水。坐碗砂上。出水一寸。炭火煮五炷香。水耗常添熱水。香完。俟水冷。取出。入研細麝香少許。人乳浸化。蠟酥少許。蔥涕官粉煉蜜爲丸。綠豆大。瓷餅封收。用時以唾津在掌上研半丸。塗玉塵頭。

上。一時塵頂酥麻。便是藥力透徹。凡遺泄不止。勢在危急者。先煉此丹。保固腎精。于日落時研塗。卽能秘精。一夜不泄。再用湯丸調治。

老年夜多漩溺。晚食粳米糲。卽效。若溺時玉莖痛。而仍頻數不赤者。生黃耆一兩。甘草二錢。煎服。甚者。日二服。卽愈。

下疳。先以大小劒地骨皮煎湯洗淨。再用黃柏黃芩。官粉珍珠冰片研細敷之。立效。

橄欖燒存性。白螺螄殼古泥墻上者。浸去泥醋。煨各一錢。研末。加冰片一分。研勻。麻油調搽。溼者。糝

之須先用甘草花椒湯洗。

鮮小薊鮮地骨皮各五兩煎濃汁浸之極痛者不數口而愈。

鮮稀莧草葉貼之。

黃花薔薇葉焙研糝之。

橄欖燒灰研細末糝之。

二便不通皂角末齒白連鬚加麝香二分蜜少許杵貼臍下至毛際再以韭地蚯蚓泥搗和水澄清飲之尤妙。

坐板瘡松香五錢雄黃一錢五分研細和勻以棉紙

包裹然成條臘月猪脂浸透點火燒著取滴下油  
搽之立效。

藤黃搗碎糝在雄猪網油之上以青布一長條捲  
緊線紮浸菜油內一夜取出火燃取滴下油以杯  
承之埋土中一宿去火氣塗上卽愈。

甘蔗皮燒存性研麻油調搽。

臀癰芙蓉葉晒研胡椒焙研各二錢野苧根一兩葱頭七

個酒糟兩許共杵爛加米醋和敷卽消。

脫肛萬年青連根煎湯洗川五楮子末敷之或先以  
麻油潤之再用風菱殼煎湯洗之。

龍頭煨存性研。加冰片糝之立收。

腸風痔血。棉花子炒黃黑色。去殼爲末。陳米濃汁加  
黑沙糖丸如梧子大。每晨開水送三錢。服三觔斷  
根。

生豆腐渣鍋內炒燥爲末。每服三錢。白沙糖湯下。  
日三次。遠年垂危者亦效。

瓜子殼一味煎濃湯服立愈。兼治吐血。

鴉膽子取圓圖仁。每七粒以龍眼肉包之。每服三  
包。白湯下。重者日三服。忌葷酒戒鴨肉。兼治休息  
久痢極效。

柿餅煨存性研。再以煮爛柿餅杵和丸如梧子大。仍以柿餅湯下。久服神效。王道法也。

久瀉不痊。生葱杵爛。入黃丹爲丸如豆大。填臍中。外以膏藥封之。

陳火腿煨存性研。鍋心飯焦各三錢。炒松花一錢。米糊丸。參湯下。

痢疾肛門腫脹如痔狀。冰片研細。乳調搽。或以木鱉子五倍子共研調敷。

臙瘡。白蘆蕋打爛。貼患處。瘡口上。一日一換。三日毒血去盡。再用松香一兩。杏仁三十粒。去皮細黃丹

八錢。輕粉五錢。舊羊角燈底火焙爲末三錢。共研極細。麻油調搽。一日一換。數日卽痊。

葱鹽湯洗淨拭乾。馬勃粉傅之良。

黃蠟白蠟輕粉韶粉乳香等分爲末。臘月猪板油麻油各半化勻。調前藥攤薄油紙貼之。兼治血風瘡之久不結痂者。

先以鹽湯淋洗。用帛拭乾。后以白糖霜津唾塗敷。生豆腐渣捏成餅。如瘡之大小。先用清茶洗淨。絹帛拭乾。然後貼上。以帛束之。一日一換。瘡漸小。肉漸平而愈。亦可貼脚蛙。但勿落生水。



龜板炙爐甘石煨各三錢。輕粉二錢。冰片一二分。共研細末。麻油半杯。銅銚內熬滾。入白蠟黃蠟各二錢溶化。離火將凝。入前藥末攪勻。攤油紙貼患處。以蔥椒甘草湯洗。一日一換。

鹿角灰乳香末研勻。清油調敷。

用清涼藥不效者宜之。

柿葉燒存性。全川椒研末搽之。

生豆腐渣柿餅同搗爛貼患處。以帛束之立效。

黃牛矢曬燥煨黑四兩。烟膠末一兩。共研。少加冰片。香油調搽。蔣附治驗。

腳氣俗呼流火。以大張海蛇皮包之。乾則易。

生煤炭研極細。醋調塗之。

樸硝大黃寒水石牙皂爲末。鷄子清調敷。

人中黃研細。芭蕉根汁調塗。

蘆薈煎湯洗之。仍以蘆薈晒乾爲末。鋪轆內。

馬前子一個。以粗碗底磨水。用鷄毛埽遍。日埽五  
七次。立效。兼治痔瘡。

不論男女。濯足宜頻。濯時水中宜加入鹽滷一瓊。  
終身用之。可免一切足疾。以滷能去風火溼熱垢  
濁。而潤皮膚。舒筋骨。真妙法也。

女子纏足。究不知始自何人。袁簡齋先生謂濫觴

于李後主乃于續齊諧中云其矯揉造作壽流天下後世。是以永墮泥犁之獄。誠深惡而痛恨之也。然余見北齊刁玉奴雲峯山四疏。內有規奴雙趾持之而生憐之句。則南北朝已有纏足之風。袁又云俗有火化其父母之骸以爲孝者。遂有裹小其女子之足以爲慈者。敗俗傷風。事同一例。無如相沿成俗。雖我朝之仁政不能革其陋習。良可歎也。不得已采李瀕湖本草綱目內閨閣事宜一方于此帙。聊紓玉趾之疼。易效蓮鉤之式。不致呼號慘切。免其戕賊成勞。惟願仁人廣爲傳播。用經屢

效洵是神方。桑根白皮四錢。肥皂子浸去黑皮二錢。杏仁一錢。水五碗。新餅煎至三碗。入樸硝五錢。乳香一錢。封口煎烊。置足干上。先熏後洗。三日一作。十餘次後。輒若束棉也。束時以羅細生白礬末少加白洋糖糝之。每于洗足湯中入鹽鹵一杯。不生足疾。且無皸皸之患。皆閨闔中秘方也。

纏足生瘡。用甘草湯洗淨。以荊芥燒灰研細。蔥白汁調搽。

諸癰。龍眼核醋磨塗之。

大黃。藤黃。雄黃。硫黃。薑黃。等分。爲細末。菜油調塗。

患處兼治腳上鷄眼。

喫髮癬。煨石膏末。糖調塗之。藜蘆龍膽草浸油搽髮。  
或加秋葵花尤妙。

鵝掌癬。豆腐泔水。日日頻洗。

牛皮癬。桃樹根白皮。同膽礬杵爛敷。

紫白癜風。蘆菔汁調生礬末三錢。先以布擦損。塗之。  
瘤贅用甘草煎膏。筆塗瘤之四圍。塗三次。另用芫花  
大戟甘遂等分爲末。醋調。別以筆搽瘤上。勿近甘  
草。次日卽縮小。又以甘草膏塗其外。暈三次。再搽  
三末于其中。自然漸焦矣。

血瘤初起。以薄棉花剪如瘤大一塊。在鷄子清內浸。溼貼之。略乾。仍以筆蘸鷄子清潤之。勿斷。四五日。卽消盡。

血痣潰血。涓涓不絕。諸藥不能止。用五靈脂爲末。糝上卽愈。

九竅及髮根出血。不因服毒者。名大衄血。乃極虛欲脫之證。急取泉水一桶。燒酒一觔。扶病人坐定。裸其腿。以燒酒淋之。俾酒從踝下。卽滴入水桶內。淋訖。將其腿浸入桶中。其血卽止。亟令壯年乳婦以乳哺之。再用遼東紅旗海參他處者亦可一觔。切用力較小耳。

片焙爲末。每三錢調服。日三次。蓋海參能生百脉之血。諸補藥之所不能及也。

禿瘡紫蔗皮煨存性研末。香油調搽。

舊羊角燈底。瓦上煨存性研。麻油調搽。

鮮蠶豆擣如泥塗之。乾卽易。三五次自愈。無鮮豆以乾者水泡搗之亦可。

海螵蛸二兩。輕粉一兩。松香三兩。共研細。油調搽。腋癰腰疽。用糯米飯乘熱入鹽塊。葱管少許。杵極爛如膏。貼患處卽消。

多骨疽。白花芙蓉葉。

乾

大黃五倍子各一兩。籐黃生

礬各三錢。麝香冰片各三分。共爲末。米醋調如厚糊。塗其四圍。留中一頭如豆大。以醋用鵝翎掃之。若不塌。則無效。一日夜卽內消。并治一切癰癤。敷之並效。

一切惡瘡無名腫毒。用生豆腐渣于砂鍋內焙熟。看紅腫處大小量作餅子貼之。冷卽易。以愈爲度。獨核肥皂生芋艿各一個。葱白七個。同搗爛敷之。乾卽易。過一周時。未成者卽散。已成者略出膿卽愈。

烟管中油。塗之立散。兼治蠱脹。用油紙攤貼。



野苧根搗汁。醇酒和服。渣敷患處。露頭。蓋被出汗。卽出膿水而愈。雖發背對口亦可治。

大芋頭生杵爛。敷之。

龍眼核爲末。水調塗之。

大黃五錢。木鼈土炒三錢。共研細末。醋調圍之。  
老菱殼燒存性。油調塗。

白礬末。熱水調塗。

臘月煉淨猪板油一觔。入白蠟半觔化勻。再下好樟腦四兩攪勻。瓷器收藏。勿令出氣。患處先以葱白花椒甘草猪蹄湯洗淨。用無灰棉紙攤膏貼之。

竝治湯火傷及膿瘡濕毒久不愈者神效無比。

泡過茶葉。拌如泥敷之。乾則以茶汁潤濕抹去。再換五六次即愈。兼治蛇咬及火燒成瘡。

腳發背初起。甘草鹽酒煎湯洗即消。

諸瘡潰爛不愈。木耳焙乾研末。白砂糖等分。用溫水調敷。縛之神效。

移毒法。以藤黃銀硃等分。醋和敷毒之半圈。即移他處出毒。

弩肉不退。硫黃研細末。敷上即退。再用泡過茶葉五錢。烏梅三個。燒存性。共研敷之。即收口。

褪管法八手指甲黃炙象牙屑穿山甲黃炙各研細乳香

沒藥炙俱硃砂水飛舊羊角燈底須十年外打碎炒為極細

末各三錢合勻再研以黃蠟化和丸如椒大初服

五丸次服六丸逐日加一丸服至十日到十一日

每日減一丸褪至五丸再逐日加一丸加至十四

丸仍從五丸服起周而復始每日空心陳酒下管

漸褪出褪盡為度。

一切癰疽金瘡破爛生蛆諸藥不效者用海參切片

焙燥研敷蛆皆化黃水流出再用生肌藥收口即

愈。

羶羶腋氣也。俗名狐臭。又曰肋腥臭。一作體氣。用大田螺一箇。巴豆仁一粒。膽礬一豆許。麝香少許。先將螺以水養三日。吐去泥土。揭起厖入藥于內。用綫拴住。放瓷碗內。次日化成水。凡用須五更時。將藥水以手自抹其兩腋下。不住手抹藥。直待腹中欲瀉。卻住手。要揀深遠無人到處空地內出大便。黑糞極臭。是其驗也。以厚土蓋之。勿令人知。如不盡。再抹之。又去大便。次用枯礬一兩。蛤粉五錢。樟腦一錢。研細。擦之以去病根。

精豬肉兩大片。以甘遂末一兩拌之。五更時挾腋

下。至天明以生甘草一兩煎湯飲之。良久瀉出穢物。須棄野地中。恐氣傳人也。五次卽愈。虛弱者間日爲之。

預備夾棍方。用肥皂子水浸透。去外黑皮。用裏白肉併仁杵如泥。如明日用事。今晚以此敷之。上至腳廉趺一節。下至腳底板心。併指甲內處處敷勻。不可有一毫空隙處。用油紙包之。外用裹腳纏足。其藥與皮肉一樣。顏色不變。雖遭冤抑。暑無妨礙。出來時以黃豆漿溫溫洗之。其豆漿須預先一日將豆泡爛磨漿候著用。神哉方也。

夾棍傷。一出衙門。卽用熱童便一盆。將足浸之。如便冷。預燒紅瓢二塊。淬之。卽熱。直浸至童便面上。浮起白油。其傷盡出矣。不疾不瘡。再用肥皂搗如泥。鷄卵清和塗傷處。以草紙包。裹腳縛緊。一夜不可動。卽差。

又方猪油四兩。胡椒照人一歲一粒。搗爛敷上。紫好勿洗去。併勿解動。一夜亦差。

夾傷骨未碎者。土牛膝搗敷。骨碎者。土鼈蟲同活蟬搗敷。

夾梭杖傷。死血鬱結。疼痛壞爛。命在頃刻。用麝香

一分。冰片三分。乳香沒藥各一錢五分。樟腦二錢。輕粉血竭各三錢。其研極細。後將黃蠟一兩。猪板油一兩二錢同化。調藥成膏。貼患處。晝夜流出惡水。卽時穌醒。

杖丹。生豆腐鳳仙花連根葉同杵爛。打出敷上。乾則再易。三日全愈。

桑甚二三斗。入餅內。麻布紮口。放陰處臭爛。過霜後取出。搾去渣。以小餅收貯清汁。搽上卽止痛。二次立差。

綠豆粉炒研。以鷄蛋清和塗止痛。

玉簪花手排熟貼杖破處卽差嫩荷葉貼亦妙。

鳳仙花葉杵如至腫破處乾則易一夜血散而

愈冬春須預收者研末水和塗之。

大黃滑石赤石脂等分研細茶湯洗淨糝之。

如受杖後以葱頭煮湯楷洗再將松香四兩溶化。

又將葱一握搗爛入松香內攪勻攤一膏藥貼患

處外以棉帛掩上紮定五六日愈。

杖傷出蛆真麻油澆之。

杖丹長肉臘月猪油一觔黃連四兩熬至黃連轉焦色去渣入白蠟黃蠟各二兩收之敷患上帛紮緊



自愈。

血竭白蠟各一錢。硃砂輕粉各二錢。研粉摻之。二日卽平。

杖癰。細茶二錢。輕粉乳香象牙末各一錢。水銀木香各五分。麝香少許爲細粉。雞子黃蠟羊油調搽。

諸閃肭。或打傷不出血。但有青紫內傷者。先以葱白杵爛炒熟。將痛處擦徧。隨用生大黃研末。薑汁調塗。盡量飲以好酒。雖三月半年者悉效。

閃腰。木香一錢。麝香三分。共研細。右痛吹入左鼻。左痛吹右鼻。令病手上下之。

閃頸。胸腰。礪砂研粉。以骨簪蘸唾沾粉點兩目。淚出。卽鬆三點全愈。

攣閃傷筋。結核腫痛。若使成毒。最難治療。初覺急用火酒頓溫。手蘸輕拍患處數百下。隨以韭菜杵爛。罨一周時。次日再拍再罨。以差爲度。極效。初拍覺疼。宜忍之。拍久則不疼矣。

臂膊脫散。生地黃搗如泥。攤紙上。糝以木香末一層。再鋪地黃泥一層。貼患處。

瞽目重明法。淨皮硝六錢。鮮桑根白皮二兩。以新砂礪河水煎透。傾出澄清。溫涼洗之。少頃又洗。每月

止洗一次。日期列左。每日須自早至晚洗十餘遍。且須齋戒。清心靜養。勿動嗔怒。勿食韭蒜昏神之物。勿犯穢濁。焚香向東洗一年。病深者洗三年。一切目疾皆效。

洗眼日期

正月初五

二月初二

三月初三

四月初九

五月初五

六月初四

七月初三

八月初十

九月十二

十月十二

十一月初四

十二月初四

閏月照前按世俗誤用桑葉洗眼。甚至損目。方中

所用乃桑根白皮。切勿譌傳爲桑葉也。

肝胃久痛。諸藥不效。或腹有癥瘕。此方皆驗。名梅花丸。孕婦慎用。

綠萼梅蕊三兩 滑石七兩 丹皮四兩 製香

附二兩 甘松蓬莪蘞各五錢 茯苓三錢五分

人參

或用參鬚亦可否  
則用眞潞黨參

嫩黃耆砂仁益智仁各

三錢 遠志肉二錢五分 山藥木香各一錢五

五分 桔梗一錢 甘草七分 凡十六味共研

細末。煉白蜜十二兩。搗丸如龍眼大。白蠟封固。每服一丸。開水調下。此方傳自維揚。吾鄉沈月枝封

翁幕於姑蘇時。患心腹久痛。諸藥罔瘳。得此而愈。遂照方配合施送。服者多效。今高芝檢先生家踵其事。求藥者日益廣。但用藥甚奇。其分兩之多寡。亦難測識。謹附錄之以質博雅。

腹痛。紅棗二枚。巴豆三粒。同杵爛。裏縛臍上立止。

截瘡膏。硃砂胡椒各一兩。研極細無聲。瓷餅密貯。瘡久者用煖臍膏一張。挑藥末一茶匙于膏藥中央。勿令四眼見。對臍緊貼。瘡止勿揭。聽其自落神效。孕婦忌之。

愈風酒

陳海蛇

十二兩

馬料豆

嫩桑枝

松鍼

枹爛各四兩

醇酒七觔封浸煮三炷香

喇嘛酒治半身不遂風痺麻木

胡桃肉

龍眼肉各四兩

杞子

首烏

熟地

各一兩

白朮

當歸

川芎

牛膝

杜仲

白芍

稀黃草

茯苓

丹皮各五錢

砂仁

烏藥各二錢五分以上用絹袋盛之入瓷瓶內浸醇酒五觔隔水燉濃候冷加滴花燒酒十五觔封貯七日可飲矣

宮方定風酒補血息風甚有奇效余于辛丑年視伊

協揆之證得此方。凡患虛風病者。飲之輒愈。且藥味平和。衰年者頻服。極有裨益。而無流弊。真妙方也。但飲貴微醺。不可過恣耳。

天冬 麥冬 生地 熟地 川芎 五加皮

牛膝

秦艽

各五錢

川桂枝

三錢

絹袋盛之。汾酒二

十觔。淨白蜜赤沙糖陳米醋各一觔。攪勻。浸以瓷壘。豆腐皮封口。壓以巨輒。安水鍋內。蒸三炷香。取起。埋土中七日可飲矣。

清和酒。不能斷飲之人。可用此法。庶幾飲而無弊焉。

直生地

八兩

天冬

四兩

銀花

八兩

生豬脂

一觔

生綠豆一升耿柿餅

一觔切碎

汾酒二十觔密封浸

之。一月後可飲。久藏不壞。

按酒性熱而火酒尤烈。故浸酒方忌用辛竄之品。以助其虐。而世人往往犯之。殊不合制。惟此四方用藥。深有精義。洵爲可法。他如神仙百益百歲之類。徒有美名而功不補患。幸勿爲其所愚也。

灸火先當辨證論。汪省之曰。素難諸書皆言陽氣陷下者。脉沉遲也。脉證俱見。寒在外者。冬月陰寒大旺。陽明陷入陰水之中者。並宜灸之。設脈浮者。陽氣散于肌表者。皆不宜灸。丹溪亦曰。夏月陽氣盡



浮于表。今醫灼艾多在夏月。審不犯火逆之戒乎。或者因火而生熱。脹發黃。腰痺咽燥唾血者。往往有之。尚不知爲火逆所致。審甘心於命運所遭。悲夫。經曰。春夏養陽。以火養陽。安有是理論而至。是雖愚亦當有知者焉。又夷堅志。趙三翁云。世人但知灼艾而不知點穴。又不審虛實。徒受楚痛。耗損營液。有冷疾者。使其仰臥。揉艾徧鋪腹上。若五六月間。就屋上開穴。取日光照射。自然氣透臍腹。如冬春可用熨斗盛灰。火慢熨之。皆以患者鼻聞濃艾氣爲度。宿疴自去。按此名天灸。功勝灼燭。藥

筒火鍼亦宜慎用。仁術志有論宜參。

勞病之因非一。總緣情志不舒。所謂七情不損。五勞不成者。真至言也。然有藥治病。無藥移情。故素問云。二陽之病發心脾。有不得隱曲。女子不月。其傳爲風消。其傳爲息奔者。死不治。蓋二陽者。陽明也。陽明爲多氣多血之經。衝脈隸於此。苟心之隱曲不伸。脾爲思慮所困。則鬱火內燔。營液暗燥。陽明漸涸。衝脈乃衰。血耗風生。汎愆肌削。勢必君相二火升騰。氣逆奔迫而死也。俗謂之乾血勞。惟室女尼姑婢女。最多患此。孟子曰。女子生而願爲之有。

家誠以飲食男女人之大欲存焉。奈何爲人父母  
與主人者之不曲體人情也。若能稱家有無不攀  
宮貴。遂其所願。嫁不失時。何至玉折蘭摧。噬臍莫  
及。耶。而富貴之家。逸居無俾。輒以小說演義諸書  
爲解悶消閒之事。佳人才子。誘掖成勞。尤易易也。  
婢女雖非我生。尤當曲加憐憫。忍心久錮。決裂堪  
虞。更有鄉愚爲人所誑。每將幼女送入空門。拂性  
違情。慘同桎梏。良可悼也。世人不察。但疑今人元  
氣日薄。故多勞損。不知古今元氣不甚相殊。七十  
古來稀。匪由今日始。而人多勞病。實係乎茲。惟望

有覺世牖民之責者。嚴禁傳奇小說。毋許鄉民幼年出家。庶可肉白骨於香閨。濟紅顏于壽域。洵造無涯之陰德。豈徒有關於風化而已哉。

虛勞慾火。甘梨汁。胡桃肉。研各一斤。芽茶五兩。懷生地。當歸末。各六錢。熬至滴水成珠。入鷄子清一枚。貯瓷器內。封口。勿令出氣。冷水浸去火毒。每晨服一匙。

飢飽勞逸。皆能致疾。而飽煖二字。尤爲釀病之原。故神農氏播穀之餘。卽收藥味。有熊氏垂裳之際。聿著力書。周公贊易。于頤卦。以慎言語。節飲食。二者。

爲養身之切務。古樂府云。晚飯少喫口。活到九十。  
九放翁詩云。多壽祇緣餐飯少。釋氏有過午不食  
之戒。寓意草亦極言少食爲養脾之妙法。諺有之  
曰。禍從口出。病從口入。蓋肥甘過度。每發癰疽。酒  
肉充腸。必滋穢濁。熏蒸爲火。凝聚成痰。汨沒性靈。  
變生疾病。凡遇時疫流行之際。更爲召疾之媒。苟  
臟腑清虛。素甘澹泊。氣機不爲濁壅。邪氣不能逗  
留。雖感六淫。易于解散。惟內濁既甚。疫氣易招。同  
類相求。如膠入漆。治之費力。死者恒多。慎疾之人。  
毋貪口腹。至於勞逸之論。莫詳於魯敬姜。勞力者。

恒享大年。逸情者常多疾。疾後人無識。改爲饑飽勞役。不但文理不通。亦且僅知有勞傷之病。而不知有逸欲之病矣。噫。此溫補之門。所以日開而炎黃之道。所以日晦歟。抑何陋哉。

辟疫方。以枇杷葉拭去毛。淨鍋炒香。錫瓶收貯。泡湯常飲。取其芳香不燥。不爲穢濁所侵。能免夏秋一切時病。若別藥恐滋流弊。方名雖美。概弗輕試。而薄滋味。遠酒色。尤爲先務。外以諸葛行軍散。搐鼻可辟屍穢惡氣。食井中宜入白礬。雄黃。水缸內以菖蒲根浸之。室內頻用大黃焚之。此外皆屬異端。

不必惑也。

普濟解疫丹。治濕溫時疫之主方也。大元正紀五運  
分步。春分後交二運火旺。天乃漸熱。芒種後交三  
運土旺。地乃漸濕。濕熱之氣上騰。烈日之暑下爍。  
人在氣交之中。受其蒸淫。邪由口鼻皮毛而入。留  
而不去。乃成溫熱暑疫之病。則爲發熱倦怠。胸悶  
腹脹。肢痠咽腫。斑疹身黃。頤腫口渴。溺赤便秘。吐  
瀉瘧痢。淋濁瘡瘍等證。但看病人舌苔淡白。或厚  
膩。或乾黃者。是暑濕熱疫之邪尚在氣分。悉以此  
丹治之。立效。醫家臨證。亦當準此化裁。自可十全。

爲上。方用飛滑石十五兩。茵陳十一兩。淡黃芩十兩。石菖蒲六兩。貝母木通各五兩。霍香連翹射干薄荷葉白豆蔻各四兩。凡十一味不可加減。生曬研細末。每服三錢。開水調下。日二次。或以神麴糊丸如彈子。大開水化服亦可。

神犀丹專治溫熱暑疫諸病。邪不卽解。耗液傷營。逆傳內陷。癰厥昏狂。譫語發斑等證。但看病人舌色乾光。或紫絳。或圓鞭。或黑苔。皆以此丹救之。若初病卽覺神情躁亂。而舌赤口乾者。是溫暑直入營分。酷熱之時。陰虛之體。及新產婦人最易患此。急



須用此多可挽回。切勿拘泥日數。誤投別藥。以債事也。兼治痘麻毒重。夾帶紫斑。及麻痘後餘毒內熾。口糜咽腐。目赤神煩。癰瘰等證。但溫暑直入之證。告危甚速。竟有延醫不及之憾。況方中犀角鎊而煎之。味極難出。磨則需時。緩不及待。亦且價昂。非貧苦人所能猝辦。惟望濟世爲懷者。預將此丹配合施送。則患者易于得藥。救活必多。貧人亦可重生。豈非陰德。更望存心之藥鋪。誠合出售。僅取工本。獨於此丹不取利。亦不費錢之功德也。方用烏犀<sub>光磨</sub>石菖蒲黃芩各六兩。直生地<sub>冷水洗淨浸透搗絞</sub>

汁銀花

如有鮮者搗汁用尤良

各一觔。冀清連翹各十兩。板

藍根九兩。淡豆豉八兩。元參七兩。紫草花粉各四兩。凡十二味不可加減。生曬研細。以犀角地黃汁冀清和搗爲丸。切勿加蜜。銀花如有鮮者亦絞汁和入。如汁少難丸。可將淡豆豉煮爛。如無冀清。可用人中黃四兩研入。如無板藍根。以飛淨青黛代之。每丸重三錢。用涼開水調服。小兒用半丸。

玉樞丹一名解毒萬病丹。俗名紫金錠。治諸中毒。諸癰疽。五絕時疫。喉風。障氣。水土不服。蛇犬蟲傷。尸疰。鬼胎。顛狂驚悸。百般惡證。山慈姑去皮洗淨焙。

川文蛤卽五倍子槌破洗刮內桴。千金子淨霜各二兩。紅芽大戟洗焙一兩。麝香三錢。各研細和勻。糯米粥爲劑。每料分四十粒於辰日淨室中木臼中杵數百下。再加硃砂雄黃各五錢。名紫金片尤良。

鴉片者。云用噶喇吧鴉土所造。故又謂之土。或作阿片。亞片者。音之轉也。產自外洋倭國。故曰洋煙。又曰倭煙。彼處名爲合甫。融而有烏土。白皮。紅皮三種。烏土爲上。彼處稱爲公班。故有烏煙之名。內有嬰粟花之脂漿。芙蓉葵花云亦可造。台州福建亦

有所產。故有阿芙蓉、葵漿、台漿、建漿等號。京師稱曰大烟。所以別于尋常烟草也。溫台人稱曰烟酒。言其能如酒之醉人也。俗謂之捏騙烟。不僅諧聲也。蓋彼外國法禁甚嚴。無一人敢吸此烟者。專捏賣于中國。而騙銀易土。蠱惑愚人。緣此烟吸入。頃刻能遍一身。諸藥無其迅速。氣主宣升。精神隨以上涌。升提日久。根蒂日虛。烟癮日深。銀錢日少。必至傾家廢業。絕嗣喪身。而後已。五十年來。天下之蒙其害者。人所共聞。王子壽所謂挾無形之酖毒。燂九州之膏血。開尾閭之大壑。蕩四民之筐篋者。

是也。故余目之爲妖烟云。其性甚熱。最燥陰津。妄人誤以爲寒。余於回春錄中曾詳辨之。其生土與未經火煉之烟膏。毒性尤烈。服之昏躁氣絕。甚至殺人。惟濃煎甘草汁。或金汁。可以解之。生南瓜搗汁服亦良。同酒服者難救。同醋服者尤不易救。火上煉過者毒較緩。尚不吸此者。誤服亦能殺人。梗米和水搗絞濃汁可救。吸烟醉者。陳豆醬泡湯解之。醬油泡湯亦可。吸烟成癮者。用甘草一味熬膏。調入烟中。吸食二三日。卽漸不欲吸矣。方簡價廉。又不損人。且無後患。極深之癮。一月可斷。但必痛

悔堅心無不神效。併望廣爲傳播。俾海內烟癮全除。豈非大幸。又凡烟癮戒斷。一二年內多食南瓜。永無後患。

勸醫說黃退菴曰。每見有名醫家。不數年間必獲厚貲。其閒實緣得當而愈人者固多。僥倖而得者亦復不少。宜修合良藥以施貧苦。疎財帛以行利人利物之事。則天亦原其情而錫其福也。莫謂我道勝人分應坐享。求田問舍以傳子孫。墓木未拱。已有貲產廢棄者比比也。何如早行善事。以爲綿遠之計耶。曲禮云。醫不三世。不服其藥。俗以世業相承爲解實。

不然也。橘旁雜著言。醫必父而子。子而孫。如是則其業精。始服其藥。若傳至曾元。更爲名醫矣。其間賢者不待言。其不肖者奈何。因其世業而安心服其藥。設爲所誤。生死攸關。雖愚者不爲也。况醫道通乎仙道。遠數十百年。偶出一豪傑之士。聰明好學。貫徹微幽。然其上世。並非醫者。舍是人而必求所謂三世者。有是理乎。漢儒謂神農本草。黃帝素問。元女脈經。爲三世醫書。醫心讀之。方爲有本之學也。梁芷林中丞云。古之醫師。必通於三世之書。一曰神農本草。二曰靈樞鍼灸。三曰素問脈訣。脈

訣可以察證。鍼灸所以去疾。本草所以辨藥。非是三者。不可以言醫。注疏甚明。若必云三世相承。然後可服其藥。將祖父二世行醫。終無服其藥者矣。又沈歸愚葉香巖傳云。先生臨沒。誠其子曰。醫可爲而不可爲。必天資敏悟。又讀萬卷書。而後可借術以濟世。不然。尠有不殺人者。是以藥餌爲刀刃也。吾死。子孫慎毋輕言醫。嗚呼。可謂達且仁矣。噫。今之藉祖父聲名而不學無術者。可不鑒哉。

爲醫者。非博極羣書不可。第有學無識。雖博而不知。反約。則書不爲我用。我反爲書所縛矣。泥古者。



愚其與不學無術者相去幾何哉。故柯氏有讀書無眼。遂致病人無命之歎。夫人非書不通。猶人非飯不活也。然食而化。雖少喫亦長精神。食而不化。雖多喫徒增疾病。所以讀書要識力。始能有用。喫飯要健運。始能有益。奈毫無識力之人。狃於如菜作蠶之語。涉獵一書。卽爾懸壺應世。且自夸曰儒理。喻氏所謂業醫者愈衆。而醫學愈荒。醫品愈陋。不求道之明。但求道之行。此猶勉強喫飯。縱不停食而卽死。亦爲善食而形消。黃玉楸比諸酷吏蝗螟。良不誣也。更有文理全無。止記幾箇成方。遂傳

衣鉢而世其家業。草菅人命。恬不爲羞。尤可鄙矣。  
語云。用藥如用兵。善用兵者。岳忠武以八百人破  
楊么十萬。不善用兵者。趙括以二十萬人受坑於  
長平。噫。是非才學識三長兼具之豪傑。斷不可以  
爲醫也。父兄之爲子弟擇術者。尚其察諸。

穩婆說。按難產自古有之。莊公寤生。載於左傳。故先  
生如達。不圻不副。詩人以爲異徵。然先生難而後  
生。易理之常也。晚嫁者尤可必焉。第亦有雖晚嫁  
而初產不難者。非晚嫁而初產雖易。繼產反難者。  
或頻產皆易。間有一次爲難者。有一生所產皆易。

一生所產皆難者此或由稟賦之不齊或由人事之所召未可以一例論也諺云十箇孩兒十樣生洵至言也但得兒身順下縱稽時日不必驚惶安心靜俟可耳會稽施圃生茂才誕時其母產十三日而始下母子皆無恙世俗不知此理稍覺不易先自慌張近有兇惡穩婆隨身攜帶凶器故爲恫嚇使人不得不從其策要取重酬操刃嚮生索謝去後產母旋以告殞者有之從此成病者有之奈貿貿者不知墮其術中翻艷稱其手法忍心害理慘莫慘於此矣設果胎不能下自有因證圖治諸

方卽胎死腹中。亦有可下之藥。自古方書未聞有  
樹割之刑。加諸投生之嬰兒者。惟羸形之女。交骨  
如環。不能開坼者。俗名鎖子骨。能受孕而不能娩。  
如懷妊。必以產厄亡。此乃異稟。千萬人中不得其  
一二者。如尋常可開之交骨。斷無不能娩之理也。  
方書五種不孕之所謂螺者。卽羸字之譌也。蓋驢  
馬交而生羸。純牝無牡。其交骨如環無端。不交不  
孕。稟乎純陰。性極馴良而善走。勝於驢馬。然亦馬  
之屬也。故易曰。坤爲馬。行地無疆。利牝馬之貞。皆  
取象於此之謂也。人賦此形而不能安其貞。則厄

於娩矣。施秋濤室兩次難產。一女一子竝遭鬱割。聞余說。方疑其室之羸形也。而適有孕。臨月產一男。竟無恙。始悟前此受穩婆之愚。而噬臍莫及也。救荒法。按邱文莊公曰。荒歲之民。桂薪玉粒。吸水餐霞。牂羊羶首。水靜星光。業藝者技無所施。營運者貨無所售。典質則富室無財。舉貨則上戶乏力。魚鰕螺蚌。索取已竭。草根木子。掘取又空。面皆飢色。身似鬼形。棄男鬻女。忍割心腸。乞之不足。又顧而他。輾轉號呼。曳衰匍匐。氣息奄奄。須臾不保。或垂亡於茅舍。或積屍於道途。當此之時。非用方術。難

以度過此厄。然救飢辟穀之方。貴乎簡易。而荒誕不經之藥。流弊反多。茲以平淡而有效驗者錄之。幸勿哂其謾陋也。

馬料豆淘。蒸極透。曬乾。如是三次。九次更妙。爲粉。柿餅煮爛。去蒂核。與豆等分。搗丸。如鷄子大。每服一丸。不用湯水。細嚼。以津液嚥下。既能耐飢。且又滋補脾腎。更可任喫粥飯。遠行攜帶。亦可代糧。黃豆七斗。脂麻三斗。水淘淨。卽蒸。不可久浸。恐減其力。蒸過。卽曬。曬乾。去殼。再蒸。再曬。共三次。搗極熟。丸如胡桃大。每服一丸。可三日不飢。此方所費。

不多。一料可濟萬人。

糯米一斗淘淨。百蒸百曬爲末。每食以開水調之。服至一月。可以一年不飢。

脂麻糯米各三升。紅棗肉三觔。焙燥磨末。蜜丸彈子大。每服一丸。白湯下。可耐一日飢。久服不餓。

守山糧。石心有力者。宜預爲製造。以備荒歉。用堅

實蘆朮

不拘紅白

洗淨蒸熟。俟半乾。搗爛。再以糯米舂

白浸透。蒸飯搗如糊。一物等分。合杵勻。泥竹壁上

待其自乾。愈久愈堅。不蛀不爛。如遇荒年。鑿下掌

大一塊。可煮成稀粥。一大鍋。食之耐飢。或做成土

坯式砌牆亦可。以上諸方價廉物易。諸無所忌。別無所損。既平淡而又神妙。惟願仁人廣爲傳播焉。又周臺公曰。兵荒有警。每每開倉賑發。此自是良有司事。而賑之無法。則奸胥作弊。百姓不能沾其實恩。若聽其糶買。則豪右冒充窮戶。糶歸私倉。貧民不能蒙其實惠。此從來積弊也。宜擇各坊寬厰寺觀。照僧家施粥例。先令本坊窮戶預報花名。造成一冊。約計人數若干。每日應用米若干。煮爲脫粟。聽其就食。男女有班。都圖有界。越坊覓食者誅。男女混亂者誅。庶幾粒粒皆裹貧民之腹。官府又無



浪費之擾其稍能自存者。又恥來隨衆就食。較之聽民糴買。滋弊萬端。大相懸絕。夫貧民得食。則反側潛銷。而富家豪族皆可藉手安枕矣。按道光己酉年。浙省大水奇荒。吾杭紳富捐貲。開設粥廠數十所。僅取半值。貧民賴以存活。閭閻得以安堵。今年春。粵匪滋事。江南失守。吾杭貧民失業。洶洶欲逞。亦賴粥廠以安。此等善舉。洵堪垂法於後世也。臺公又曰。兵荒交警。貧富百姓。自宜有無相通。然而不肯捐助分文者。無非欲保其貲財。而與妻子共享富貴也。不知飢寒百姓。死亡切身。甘心應賊。

導爲標掠。則洞房曲室。非己所有。賊得焚之。朱提白鏹。非己所有。賊得捲之。粉白黛綠。嬌妻美妾。非己所有。賊得淫之。牽衣執袂。桂子蘭孫。非己所有。賊得戟之。肢體髮膚。併非己有。刀俎惟賊。截解惟賊。祖宗邱墓。併非己有。發掘惟賊。剖戮惟賊。皆由不能散財之故耳。余所以苦口勸輸者。正爲富貴之家。保全性命。豈區區勸有餘補不足已哉。按富貴二字。不易享受。須以學問識見。駕馭之用。所不當用。則爲敗家子。用其所當用。不作守財虜。苟不知此。徒積金錢爲子孫計。則多藏厚亡。悔何及耶。

臺公藥石之言。的是富貴家保全性命之簡效良方也。

救火要策。凡人烟稠密之地。最慮火患。專恃取水近便。庶易潑救。然亢旱之時。河井乾涸。苟非預籌貯水之法。將何以杜剝廬之災。乾隆間。揚州余君觀德。創設水倉。法美意良。洵善策也。其法。凡人烟稠密。距河稍遠之區。買屋基一所。前設門檻。榜曰水倉。中爲大院。置大缸百十隻。滿貯以水。嚴冬慮缸凍裂。每缸內入以粗松柴一根。另用稍稭結爲缸蓋。目之。復置水桶百十隻。水龍數具。外鑄以鎖。設有火患。開取救滅。極爲簡易。附錄

此帙翼各處仿而行之。吾杭素多火患。雖有官水缸之設。不但缸少而貯水不多。且無扇閉。居民傾潑土苴。久則缸碎而水無存矣。亟宜效法。是所望也。至泰西水法所論水庫及作井造器諸法。無不精妙。茲不備載。

續

寡慾說。沈芊綠云。男女居室。雖生人之大倫。爲聖王所不能禁。然必行之有節。則陰陽和而孕育易。若淫慾無度。則精傷氣餒。神散血枯。由是而潮熱。而骨蒸而枯槁。而羸瘦而疴怯。變生種種。年壽日促。

矣。若夫艷冶當前。姣嬈在側。情投意洽。頓起淫心。因而雲雨綢繆。真精施泄。雖此身殆難有所勿願。卽不然。或蓬婆相對。村醜相臨。未免有情。因諧魚水。甚至三妻四妾。居室纏綿。衾枕言歡。匪朝伊夕。更有捐茲閨閣。戀彼龍陽。有美變童。心如膠漆。要皆實有其事。確有其人。與之所到。情之所鍾。所謂一旦相依。誰能遺此者。獨可異者。旣無彼美。終鮮狂且。形不必其相遇。目不必其相接。忽然而心動。忽然而火熾。獨居無偶。宛如有女同衾。握手爲歡。不啻伊人在御。直身頓足。筋脈都搖。而且火則屏

而上炎精則罄而就下。其爲傷損較之實有其事。

確有其人者爲尤甚焉矣。則其精氣神有不歸於

竭者哉。

所以昏嫁貴及時也。

俞樾齋云。周慎齋謂酒是邪陽。

色亦邪陽。邪陽勝則正陽衰。誠至言也。凡人逞慾

藉酒爲助。自覺陽強可喜。不知仍靠命門真陽作

主慾。旣遂而邪陽息。真陽始寧。欲火頻起。頻息。真

陽必漸用漸衰。或欲起而勿遂。其欲似與真陽無

損。然如燈火本明。而於燈下另添一火以逼之。此

火漸旺。則燈火漸滅。理更可悟。

凡服壯陽熱藥皆同此理。尊生

者。總以泊然不起。欲火爲妙也。

杜勞方專治骨蒸勞熱羸弱神疲腰脊痠疼四肢痿軟遺精吐血欬逆嗽痰一切陰虛火動之證輕者二三料全愈重者四五料除根若先天不足之人不論男女未病先服漸可強壯常服更妙以其性味中和久任亦無偏勝之弊屢收奇效勿以平淡而忽之方用

枇杷葉五十六片刷去毛鮮者尤良咳甚者加多不咳勿用。

紅蓮子四兩不去心皮。

梨二枚大而味甘者良去心皮切片

大棗八兩同煮熟後去皮。

煉白蜜一兩。便燥多加。漉瀉勿用。

先將枇杷葉放砂鍋內。甜水煎極透去渣。以絹漚取清汁。後將果蜜同拌入鍋鋪平。以枇杷葉汁淹之。不咳者但以甜水淹之。蓋好煮半炷香。翻轉再煮半炷香。收盡罐內。每日隨意溫熱連汁食之。冬月可多製。夏須逐日製小料也。

咳嗽多痰。加真川貝母一兩。研極細。起鍋時加入。滾一二沸即收。

吐血。加藕節。搗汁同煮。



成方弊。執一定之成方。治萬人之活病。厥弊大矣。昔東坡先生誤信聖散子。而作序流傳。後人被其害者。不可勝紀。續醫說載宏治癸丑吳中大疫。邑侯孫磐修合聖散子。遍施街衢。服者十無一生。原孫侯之意。本欲活人。殊不知方中有附子。麻黃。良薑。萸薹。霍香等藥。皆性味燥熱。反助火邪。殺人利於刀劍也。奈今人偏信。乩士之言。請鸞定方。合藥施送。往往亦蹈此弊。孔子曰。好仁不好學。其此之謂乎。故是編於解疫神犀二方外。不多錄者。固由疎陋。亦敬慎之意也。蓋外治單方。凡效驗者。亟當傳

布。若內證則病異其因。人殊其體。投劑極宜詳審。設非王道之方平和之藥。斷勿輕信妄傳。誤人性命。苟廣此說以告人。亦仁者之一端也。若夫世俗相沿。如外感之五虎湯。瘧疾之柴胡薑棗湯。臨盆之催生丹。產後之生化湯。麻疹之西河柳。此物性同麻黃故繆氏每與石膏並用。殊有奇功。若獨用則大誤也。櫻桃核痘科外科之桑蟲蜈蚣之類。皆人受其害而習焉未察者。更有飽煖之家。無病服藥。如六味丸八味丸全鹿丸歸脾十全及壯陽種子等方。滋弊尤深。不勝縷述。聊引其概。智者慎之。

徐洄溪所批葉案頗有可議處。如云肝爲剛臟。未知何出。余謂肺稟堅金之性。而體反虛浮。肝稟柔木之性。而體反沉實。故肺養其嬌。易遭侵剋。肝憑其悍。每肆欺凌。是以肺稱嬌臟。肝爲剛臟。

批青果汁法丸爲杜撰。余按古方丸劑多用蜜爲其味同甘草。有協和諸藥之功。不拘何證。似可通融。且質粘易於凝合。遂相習成風。千篇一律。而不知蜜之爲言密也。密者秘也。固也。故蜂王出入滾成球。圓醞釀之所。不容人窺。何秘如之。蓄奇香者。以蜜之。而其氣不泄。鼎俎家蒸玉面狸與黃雀。必

先塗以蜜。雖沸爍而其膏不走。固之道也。且味純甘而性極緩。故惟峻藥欲其緩。脾藥欲其守者。始爲合法。否則欲補下者有戀中之弊。欲運中者有鈍膩之偏。欲宣經隧者嫌固。欲開沉錮者嫌秘。自當各因其用而隨時制宜也。青果卽橄欖。色青而味酸微甘。用於此證。則清膽息風。蠲痰充液。莫云杜撰。深有巧思。觸類而通。慎毋泥古。

批陰傷及陽爲古無此語。余曰卽下損及中之謂耳。批肝陽吸其腎陰爲無此病證。余謂肝陽熾而暗吸腎陰。猶之平鐙炷大則膏易竭。子盜母氣。理所必

然患此者多。可云無此病證耶。

批海參淡菜爲開後人亂道之弊。余謂海參肖男陽功竝蔞蓉。淡菜類女陰。性同烏鰂。古方雖未采用。而鮑魚雀卵。素問已作濫觴。但氣味腥鹹。非胃所喜。況究爲食品。宜充虛人之饌。入藥力甚緩。而海參更有釀痰滑利之弊。中虛少運者勿食也。

批下損過中難治爲非越人語。余按此卽難經論至脈從下上之謂也。雖語不如是而義則同。

批王先生卽晉三。余謂殊無的據。又按晉三著古方選注於雍正九年。葉氏暨其高弟陸禹川吳正功

爲之校讐。而香巖沒於乾隆十年。或謂葉氏曾從  
晉三學。則洄溪何以不言。而選注中亦無門人之  
稱。合諸書觀之。則晉三於葉氏爲前輩耳。非師生  
也。

批噫卽呃逆。病者最忌。噦爲飽食氣。非病也。何可併  
爲一證。余按噫。於其切音醫。痛傷之聲。又於介切。  
飽食息也。莊子大塊噫氣。俗作噦。編書者以噫噦  
名篇。於義實贅昧者。讀噫爲如字。固不足論。徐氏  
誤作二證。殊失考也。況噫有不因飽食而作者。亦  
病也。仲聖立旋覆代赭湯治病後噫氣。徐氏誤噫

爲噦。謂卽呃逆。蓋此湯原可推廣而用。凡嘔吐呃逆之屬中虛寒飲爲病者皆可治也。余嘗以治噫氣頻年者數人。投之輒愈。益見徐氏之僅泥爲飽食氣者爲未當也。

批肺痺門所列喘欬諸病。謂非經義。余按內經以秋遇此者爲皮痺。皮痺不已。復感於邪。內舍於肺。所謂痺者。各以其時重感於風寒濕之氣也。又云肺痺者。煩滿喘而嘔。蓋痺音秘。閉塞不通之謂也。外感之邪初著於皮毛。漸舍於肺。則治節不行而爲煩滿喘嘔也。雖經言風寒濕三氣雜至合而爲痺。

而暑燥二氣亦何嘗不侵肺而爲痺乎。所以病機之諸氣牘鬱諸痿喘嘔。喻氏謂卽生氣通天論秋傷於燥之注腳。則喘咳氣逆之隸於肺痺。亦不爲謬。惟前列腸痺門。乃便閼之治從開上者。考之經文。腸痺者。數飲而出不得。中氣喘爭。時發飧泄。注謂腸痺者。兼大小腸而言。腸閒病痺。則下焦之氣不化。故雖數飲而水不得出水。不出則本末俱病。故與中氣喘爭。蓋其清濁不分。故時發飧泄。然則腸痺者。乃小溲不通而大便滑泄。上兼喘渴之病也。編書者以腸痺與大便閼同類。殊乖經旨。



批呃門謂仲景治此以旋覆代赭湯爲主方。余按病深者其聲噦說文噦氣悟也玉篇逆氣也卽俗云呃忒也。洄溪誤以爲噫智者之一失也。又謂病者所最忌是但知下虛衝逆吸氣不入之呃矣。然實證亦有之。痰阻清陽者宜開胃火上衝者宜清肝氣佛鬱者宜疏府氣祕塞者宜通。卽平人亦有偶患者。但啜熱飲或取嚏卽愈。豈可專借重一旋覆代赭湯哉。

批此編獨闕傷寒一門。余按香巖有評點陶氏全生集一書。嘗引其大父紫帆先生暨乃翁陽生先生

令兄又凡先生諸議論則其家學淵源於傷寒論  
金匱要畧二書必深討究所以仲聖諸方咸能隨  
證化裁第傷寒者外感之總稱也惟其明乎傷寒  
之理始能達乎傷寒之變變者何溫也熱也暑也  
濕也四者在難經皆謂之傷寒仲聖因之而著論  
而治法懸殊後人不解遂將四時之感一以麻黃  
桂枝等法施之自謂恪遵聖法其如與病刺謬何  
閒有一二明哲識爲溫證奈爲傷寒二字束縛左  
枝右梧不能別開生面獨葉氏悟超象外善體病  
情世之所謂傷寒大率皆爲溫熱一掃從前錮習

如撥雲霧而見青天。從劉氏之三焦分淺深於營衛。當變而變。其相傳者心也。當變而不變。其拘守者迹也。然則善學仲聖者。莫如香巖矣。

批龍蒼通便不如脾約丸。余謂蘆薈入煎劑。固非所宜。若龍蒼丸大泄風陽。直折肝膽。二經逆升之火。頗有妙用。與脾約證大有分別。何可相提並論耶。批省頭草爲蘭。乃葉氏之臆說。余按蘭爲何蘭。古無所考。寇宗奭朱丹溪皆以爲山蘭。李東璧引衆說以譏之。而據方虛谷之說。謂是省頭草。後此修本草者。服其淹博。無不遵之。雖劉氏述盧氏乘雅倪

氏彙言皆稱善本。亦無異議。惟汪詡菴頗疑町畦  
賤品不副雅名。洞溪之論諒亦本此。豈可謂爲香  
巖之臆見乎。道光閒武進鄒潤安本經續疏始辨  
定爲山蘭葉。余謂山蘭葉以清逸勝。功竝竹筍。省  
頭草以猛烈勝。畧同草薺。臨證施用各有所宜也。  
批瘡門不以小柴胡爲主方。是背仲聖。余謂瘡不離  
乎少陽。小柴胡湯是專方。今古相傳誰不知之。然  
此但論風寒之正瘡也。若溫熱暑濕之邪。雖已化  
瘡。總當以感證之法治之。邵新甫言之詳矣。設拘  
守其迹。不知變通而執死法以限生人。惡足以言

醫耶。

批熱入血室不用柴胡湯。爲視之如仇云云。余謂溫熱病熱入血室。不與傷寒同例。女科輯要內堯封治驗可證。徐氏之論虛勞也。方辨建中湯不可輕試。蓋誠知古今病證之有同異矣。豈亦視之如仇。專與相背。抑曾誤用抱疚而畏之如虎乎。

友漁齋醫話云。香巖論溫暑雖宗河間。而用方工細。可謂青出於藍。但欲讀其書者。須先將仲景以下諸家之說用過功夫。然後探究葉氏方意所從來。庶不爲無根之萍也。古今醫案云。指南全部亦僅

數年之醫案。豈足概葉氏之一生。自刊行以來。沾  
溉後學。被其惠者良多。而枵腹之輩。又藉此書。易  
於勦襲。每遇一證。卽鈔其詞句之精華。及藥方之  
纖巧而平穩者。錄以應酬。竟可懸壺。無論大部醫  
書。畏如望洋。卽小部醫書。亦束之高閣。惟奉指南  
樂其簡便。而不知學之日益淺陋也。嗟乎。豈指南  
誤人耶。抑人誤指南耶。

魏氏續類案提要。病其蕪雜潦草。如腳門載張文定  
患腳疾。道人與綠豆兩粒而愈一條。謂斷非常食  
之綠豆。余按此特綠豆下脫一大字耳。蓋言得藥

如綠豆大兩粒。與蟲門浦南人一案正相似也。然究不知其爲何藥。如腫脹門邱汝誠案。目門周漢卿案之類。共有十餘條。皆不必選者。至於語怪。不止接首回生也。如邪祟門金劍峯子。蔡石戶章安鎮諸案。及元載挑酒魔。蓬頭驅勞蟲之類。皆可從刪。重出之案。亦有十餘條。且有自注未選入而仍編入者。其脫簡舛謫。尤難僕數。而附載已案。多不注明。直至三十六卷產後顛狂條。始標姓字。況卷首無序無目。顯爲草創之初稿。而未經刪定之書也。余悉點出。併爲補目。楊素園大令意欲付梓。而

爲時事所阻。爰附其畧於此。以俟大雅教我。

余纂溫熱經緯一書。詳辨溫熱暑溼之異。于正傷寒。因古人但以寒爲肅殺之氣。而于暑熱甚略也。然嚴寒易禦。酷暑難消。熱地如爐。傷人最速。按徐后山柳崖外編云。乾隆甲子五六月間。都城大暑。冰至五百文一斤。熱死者無算。九門出觀。日至千餘。又余師愚疫疹一得云。乾隆戊子丙午壬子癸丑等年。暑疫流行。率用大劑石膏。救全不少。紀文達公云。乾隆癸丑。京師大疫。以景岳法治者多死。以又可法治者亦不驗。馮星實姬人呼吸將絕。桐城



醫士投大劑石膏藥應手而痊。踵其法者。活人無算。蓋卽師愚也。道光閒。毘陵莊製亭重刻其書。余已采入經緯。而卷帙稍繁。未能授梓。且辨證處。方非精于醫者不可。今附暑疫大略于通俗方書。庶世人咸知暑患之烈。而醫家治疫亦勿徒守又可之法爲至當也。若王子中太史白田集內。謂承氣白虎。就非爲卽病之傷寒設。豈可以治溫暑噫。太史雖深究于理學。殆未深究于醫學乎。至石膏辨云。目擊受石膏之害者甚多。深以繆仲淳袁體菴爲不可法。是亦書生之見也。夫停食不消。因而致

死者多矣。豈可歸罪于五穀。以爲神農后稷作俑。而令天下之人辟穀耶。況物性中和。莫如穀矣。而霍亂痧脹。一口米湯下嚥。卽難救治。故一病有一病之宜忌。不可舍病而但以藥之純駁爲良毒也。補偏救弊。隨時而中。貴于醫者之識病耳。先議病。後議藥。中病卽是良藥。況石膏無毒。甘淡而寒。善解暑火燥熱無形之氣。凡大熱大渴大汗之證。不能舍此以圖功。若兼胸悶腹脹者。須加辛通開泄之品。以佐之。第讀書以明理。明理以致用。苟食而不化。則粗庸偏謬。貽害無窮。非獨石膏爲然矣。摺

紳先生博覽之餘。往往涉獵岐黃家言。或筆之于書。或參贊戚友之病。世人因信其知儒。遂併信其知醫。孰知紙上談兵。誤人不淺。呂晚村是其尤者也。安得如徐洄溪者。一一而砭之哉。

又按內經云。在天爲熱。在地爲火。其性爲暑。又云。歲火太過。炎暑流行。蓋暑爲日氣。其字從日。曰炎暑。曰酷暑。皆指烈日之氣而言也。夏至後有小暑。大暑。冬至後有小寒。大寒。是暑卽熱也。寒卽冷也。故寒字從之。爲水氣。陰陽對待。乃天地間顯明易知之事。並無深微難測之理。而從來歧說偏多。

誤人不淺。更有調停其說者。強以動靜分之。夫動靜惟人。豈能使天上之暑氣隨人而判別乎。又有妄合溼熱二氣爲暑者。則亢旱之年。河井皆涸。禾苗枯槁。溼氣全無。可以謂之非暑耶。況溼無定位。分旺四季。暑與溼固易兼感。而風溼寒溼無不可兼。若云溼與熱合始名爲暑。然則合于風。合于寒。又將何名乎。且二氣兼感者多矣。如風與寒最易合。而仲聖嚴分桂枝麻黃之異治。豈暑與溼而可不爲分別哉。故治暑者。須知暑爲火熱之邪。然必審其有無兼溼而隨證用藥。庶不誤人。

急暑證。中暑昏迷。病名暑厥。多在亢旱酷熱之時。因  
吸受暑毒。直入心包。營分耳。蓋暑爲火邪。心爲火  
臟。同氣相求。不比別邪。必由他經傳入也。故告危  
極速。往往不及延醫診治。世人但知爲痧。夫痧者  
卽客邪驟入。阻塞其氣血流行之道也。阻塞經氣  
腑氣者爲淺。阻塞臟氣者爲深。惟暑爲陽邪。直犯  
神明之臟。殺人最烈。而諸般治痧丹丸。類多燥烈  
之藥。皆治貪涼飲冷過度而寒溼爲病者之方也。設誤服之。如火益熱  
以致死。後渾身青紫。或發斑。或口鼻流血。凡小兒產婦患  
此者。俗皆誤作驚風治之。無不枉死。聞之慘然。今將救治方法。備錄

于此惟藥品珍貴。購覓匪易。若好善之家。依方預  
爲修合。則病者易于得藥。貧人亦可重生。功莫大  
焉。外則用銀鍼刺病人曲池臂灣委中膝灣擠去毒血。  
再將其口撐開。看舌底有黑筋三股。男左女右。以  
竹箸嵌盜鋒刺出惡血一點。更將其髮解散。細看  
再看其背上。如有長毛數莖。必盡拔之。宜  
臥清涼之地。忌飲薑湯米湯及一切熱湯。若其舌  
苔或黃或白者。急以行軍散或紅靈丹灌之。立蘇。  
如舌色紫絳或苔黑者。暑毒更重也。急以紫雪灌  
之。灌後不甚爽慧者。營分暑熱未清也。再灌之。或  
以神犀丹繼之。亦可。口渴用生藕汁及清童便飲  
之。或以竹葉綠豆等湯涼飲。

行軍散 治暑熱直中。頭目眩暈。昏不知人心腹  
痞滿絞腸痧脹。及山嵐障厲。道途穢惡。一切不正  
之氣。涼水調服三五分。兼治口瘡喉痛。併點治眼  
目風熱翳障。搐鼻能辟疫癘之邪。

西牛黃 麝香當門子 眞珠 梅花冰片

蓬砂各一錢 明雄黃入錢 火硝三分 飛眞金二十各

藥另碾俱令極細如粉。再合研和勻。瓷餅密貯。  
以蠟封之。

絳雪

一名八寶紅靈丹

治證如前

辰砂

飛水

馬牙硝

各一兩

明雄黃

飛水

蓬砂

各六錢

煨礞

石錢四梅花冰片 麝香當門子各三錢飛真金十五

頁右藥擇吉日于淨室中各研極細末瓷餅收貯。熔蠟封口。勿使泄氣。每服一分。涼開水灌下。  
小兒減半。

紫雪 治暑火溫熱障疫毒厲諸邪直犯心經猝死。及溫瘧煩熱發斑狂易。呌走五尸五疰。痧脹穢毒。心腹疔痛。急黃蠱毒。鬼魅驚癇。麻痘火閉。口舌生瘡。一切邪火毒火穿經入臟。蘊伏深沉。無藥可治之證。

黃金百兩寒水石 慈石 石膏 滑石各三斤以



上並搗碎。用水一斛煮至四斗。去滓。入下藥。

羚羊角屑 犀角屑 青木香 沉香各五斤 丁

香一兩 洞溪云可用二兩 元參 升麻各一斤 炙甘草八兩 以

上入前藥汁中再煮。取一斗五升。去渣。入下藥。

朴硝十斤 洞溪云四斤 宜用十分之一 二味入前藥

汁中。微火上煎。柳木篦攪不住手。候有七升。投

在木盆中半日。欲凝入下藥。麝香當門子一兩

二錢 硃砂二兩 二味入前藥中。攪調令勻。瓷器收

藏。藥成霜雪紫色。須密貯。勿令泄氣。每服一錢。

小兒減半。新汲水調灌。徐洞溪云方中黃金如用飛金萬百研入尤妙

以上三方藥甚珍貴。初不敢選入簡效。然暑邪直犯心包。非此芳香逐穢清熱通竅之方。不能奏績。且非處處可買。人人能購之藥。特詳載之。以便心存利濟者之易于修合也。

夏月傷寒者。因畏熱而浴冷卧風。或冰瓜過嗽所致也。乃暑月之陰溼證。非病暑也。輕者香薷正氣平胃五苓等藥。重者大順冷香等方。譬如避火而溺于水。拯者但可云出之于水。不可云出之于陰火也。昔羅謙甫治商參政與完顏小將軍二案俱用。熱藥俱不名曰暑病。又吳球治暑月遠行人案直

日中寒

三案皆載名醫類案

蓋恐後世誤以熱藥治暑故特

舉病因以稱之可謂名正言順矣昧者猶不深究妄立陰暑之名眩惑後人若謂夏月傷寒爲陰暑則冬月之紅爐煖閣羔酒狐裘而患火證者將謂之陽寒矣夫寒暑者乃天地一定之陰陽不容淆混惟司命之士須知隆冬有熱病盛夏有寒病用藥皆當諦審其脈證庶無倒行逆施之害也

楊素園大令云療瘰乳巖二證最稱難治余購得一

秘方屢經試驗付潛齋刊以傳世方用丹雄鷄全

骨一副

生取

千里奔

即驢馬驛修下蹄甲也五錢

紫降香

五當歸

生甘草

各一錢

槐樹枝

三十寸

右六味以鷄骨入麻油

鍋內微火煎枯入後藥亦用微火煎枯去渣二油

一丹收成膏浸冷水中拔去火氣不論已破未破  
量大小貼之以愈爲度又一治面疔方甚簡效以  
活鱗魚一尾杵爛入研細辰砂拌勻圍之火卽漸  
散漸圍漸小其疔自拔百試百中

徐洄溪云流注乃寒痰爲風邪所引竄入經絡爲毒  
也余治多人悉以大活絡丹愈之舍此別無對證

之方矣

按大活絡丹卽俗稱再造丸者是也其但用二鳥乳沒膽星地龍六味者名小活絡

丹毒烈異常慎勿

誤用切記切記

呂慎菴云。洞溪以外科獨擅。凡毒初起。欲其不大。故  
首重圍藥。而方秘不傳。余訪求既久。得其最珍重  
者二方。一曰束毒圍。用玉精炭即藥油生大黃各  
兩五倍子 白芨各二生半夏 白斂各二百草  
霜 礬紅 生南星 陳小粉炒草烏各一熊膽  
錢一共研末。以廣膠化鮮芙蓉葉絞醋量。和搗成錠。  
治熱毒癰瘍。發於陽分。盤硬外疼。色紅。蔓腫者。醋  
磨濃塗。四圍空頭。

一曰疔圍。專治疔瘡。初起根腳不收。堅硬發麻。用生  
南星 生半夏 五倍子 磁石煨陳小粉炒各

明礬

生軍

各二兩

東丹

六錢鐵銹

瓷粉

各五錢

雄黃

蟾酥

焙各四錢

熊膽

二錢

白梅肉

一兩四錢

其為末

猪膽汁打

錠

吾鄉管榮棠樂善人也。好施藥。嘗曰：痧邪深入血分，

必用刺法以泄其熱而通其絡。曩遇桐鄉八十老

人張德祥者，善治痧。數十年來生死決其鍼下，百

不失一。凡鍼入而肌肉凝閉者，必不得生。然其所

刺部位，不僅玉衡書所言之十處，惜世罕知。囑余

錄入醫話，以便窮鄉僻壤皆得按證而施救療也。

凡痧證頭暈者，刺素髻

穴在鼻柱上端

準頭

鍼入一寸

頭痛者，刺

風府穴在項後入髮際一寸大偏痛者刺風池穴在

耳後筋內宛宛中鍼入一寸髮際目中鍼入一寸腹痛而吐者刺上脘穴在臍上五寸

鍼入臍腹痛而瀉者刺下脘穴在臍上一寸腹痛而欲

吐不吐欲瀉不瀉者刺中脘穴在臍上一寸即愈以上三穴

用手極力提起其皮而刺以上諸穴並不出血手癰者刺商陽穴在手次指內側去

爪甲如韭葉足甲如韭葉足甲者刺厲兌穴在足次指之端去

已刺承筋穴在脛後足跟上刺承山穴在脛肚下

立已然此穴非精明牙關緊閉者刺人迎穴在結

者不易取宜慎刺一寸五分大脈動應手處刺之立開